

Broj: 01-11-1048-3-JN/21
Mostar, 24.12.2021. godine

Na osnovu člana 56. i 114. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i člana 90. Zakona o javnim nabavkama («Službeni glasnik BiH» broj 39/14), a u vezi sa članom 4. do 9. Pravilnika o postupku direktnog sporazuma za nabavku roba, usluga i radova u Federalnom ministarstvu trgovine broj: 01-02-557/15 od 27.03.2015. godine, federalni ministar trgovine d o n o s i

O D L U K U o prihvatanju ponude

I

Prihvata se ponuda ponuđača STUDIO4WEB2, broj:07/25 od 20.12.2021. godine podnesena po pozivu za dostavljanje ponuda za nabavku usluga upravljanja web portalom – web hosting putem direktnog sporazuma za potrebe Federalnog ministarstva trgovine, kao dovoljno kvalifikovana za uredno izvršenje ugovora o nabavci.

II

Za provođenje ove Odluke zadužuje se Služba za finansijske poslove.

III

Ova Odluka objavit će se na web stranici Federalnog ministarstva trgovine www.fmt.gov.ba, a istovremeno će biti upućena ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

O b r a z l o ž e n j e

Federalni ministar trgovine je u skladu sa Planom javnih nabavki Federalnog ministarstva trgovine za 2021. godinu i Odlukom o utvrđivanju Plana nabavki Federalnog ministarstva trgovine, broj: 01-11-223/21 od 19.03.2021. godine donio Odluku o pokretanju postupka javne nabavke usluga upravljanja web portalom – web hosting broj:01-11-1048-JN/21 od 10.12.2021.godine.

Komisija za javne nabavke imenovana Rješenjem federalnog ministra trgovine, broj: 01-30-164/21 od 23.02.2021. godine pristupila je provođenju postupka javne nabavke metodom direktnog sporazuma u skladu sa Odlukom i zakonskim i podzakonskim propisima o javnim nabavkama u Bosni i Hercegovini.

Federalno ministarstvo trgovine je telefonskim putem ispitivalo tržište i uputilo poziv za dostavu ponuda. Na poziv za dostavu ponude u ostavljenom roku pristigla je jedna ponuda.

Komisija je u skladu sa odredbama Zakona o javnim nabavkama, dana 21.12.2021. godine izvršila pregled dostavljenih ponuda, o čemu je sačinjen zapisnik.

Cijena navedene ponude iznosi 150,00 KM bez PDV-a mjesečno i ista je dovoljno kvalifikovana za uredno izvršenje ugovora o nabavci predmetnih usluga. Po provedenom postupku Komisija je predložila ugovornom organu da u skladu sa članom 90. Zakona o javnim nabavama izvrši javnu nabavku usluga upravljanja web portalom – web hosting za potrebe Federalnog ministarstva trgovine od ponuđača STUDIO4WEB2 Travnik.

Slijedom navedenog, odlučeno je kao u dispozitivu odluke.

Pouka o pravnom lijeku:

U postupku direktnog sporazuma, žalba nije dopuštena.

Dostaviti:

1. Ponudač STUDIO4WEB2
Ul. Šehida 3/50 Travnik
2. Službi za finansijske poslove
3. Službi za pravne i opće poslove
4. Komisiji za javne nabavke
5. a/a

